



6. november 2012

Inatsisartut suleriaasianni § 37 naapertorlugu, matumuuna Naalakkersuisunut apeqqutit imaattut saqqummiuppakka:

- 1. Paamiuni Imarsiornermut Ilinniarfiup matuneqarnissaa pillugu Naalakkersuisut qaqugu pisortatigoortumik nalunaaruteqassappat?**
- 2. Imarsiornermut ilinniarfiup Paamiunit Nuummut Sisimiunulluunniit nuunneqarnissaanut suna pisortatigoortumik tunngavigineqarpa?**
- 3. Nuunneqarnissaanut patsisigineqartoq pillugu nalunaarusiortoqarsimava?**
- 4. Apeqqut 3 aappimik akineqarpat taanna akissuteqaammut ilanngullugu nassiunneqassasoq kissaatigineqarpoq.**
- 5. Apeqqut 3 naaggamik akineqarpat – nuussinissamut pissutsit suut tunngavilersuutigineqarpat?**
- 6. Illoqarfiit siuliani taaneqartut marluk arlaannut Imarsiornermik Ilinniarfik nuunneqalersaarpa?**
- 7. Nuussinissamut atatillugu Imarsiornermi Ilinniarfimmi ilinniartitsisut ilinniarfimmi nutaami sulinissamut neqeroorfigineqarpat?**
- 8. Imarsiornermut Ilinniarfiup ilinniartunut ineqarfissaannik atuarfissaannillu missingersuusiorsimaneq 2013-imi Aningaasanut Inatsisissatut Siunnersuummi sumi takuneqarsinnaava?**
- 9. Imarsiornermut Ilinniarfissami ilinniarnissamut qinnuteqarfissatut ulloq suna killiunneqarpa, Ilinniartitaanermummi Naalakkersuisup atuarfissap ulloq 1. august 2013-imi piareersimanissaa oqariartuutiginikummagu?**
- 10. Naalagannorniat ilinniarfiat, maanna ukiut pingajussaa uninngasoq, qanoq inissisimava?**
- 11. Naalagannorniat Ilinniarfiata pappiaraasa Søfartsstyrelsimit utertillugit tiguneqarnissaat ilimagineqarsinnaava?**
- 12. Tamanna umiarsuaaqqat naalagaannut ataasiinnarmik oqaaseqartuusunut kiisalu (Kalaallit Nunaata imartaani taamaallaat atuuttumi) killilimmik angalasinnaaffeqartunut pappiaraatiminnik nutarteriniartunut tamanna qanoq kinguneqaateqarsinnaava?**
- 13. Tassunga atatillugu Uummannami aalisarnermut piniarnermullu atuarfiup qanoq pinissaa apeqqutigerusuppara, Ilinniartitaanermummi Naalakkersuisup atuarfiup taassuma aamma nuunneqarnissaa oqaatiginikummagu. Imarsiornermut Ilinniarfimmut tunngatillugu apeqqutit aamma aalisarnermut piniarnermullu atuarfimmut tunngatillugu apeqqutigaakka.**

(Inatsisartunut ilaasortaq Kim Kielsen, Siumut)

Tungavilersuut:

Ilinniartitaanermut Naalakkersuisup Nuummi Sisimiuniluunniit Imarsiornermik Ilinniarfimmik nutaamik ulloq 1. august 2013-imi aallartittoqarnissaa pillugu oqaaseqaateqarneranut maanna qaammatit qulit missaat kiserngorummata, kiisalu atuarfissamut ilinniartut inissaannut allanillu suliniuteqartoqarneranik takusaqarsinnaannginnama, apeqqutit siuliani saqqummiussakka matumuuna nassiuppakka, taakkulu ullut suliffiusut qulit iluanni akineqarnissaat kissaatigaara.